

51 шин гер бэргдв, 30 герт кюрм кирпич белдгдв

Запади района Сталинэ нертэ колхозд өссн-боссн газ-рурн 100 шаху хальмг өрк-бүл нүүдж ирцхэв. Колхозин ахлач Дзюба Иван ирсн айтст бээх гермүд олдж өгэд, меддг-чалдг кōдлмштнь орулдж кōдлгджәнэ.

1957 джилд колхозин зурагъар 85 гер бэргдх бээсмн.

Болв Дзюба тосхлтин кōдлмшт килмджән өгсн учрар, 51 хальмг өрк-бүл шин бэрсн у, сарул герт орцхачкв. Зурагъан күүцэхин эркд, колхозин про-раб үр Медрә кирпич цоклгъна бригадс бүүрдэгъад, гучн гер бэрх дунгә кирпич цокулдж, терз үүдинь белдүлдж бәәнэ.

БОЛИНА Мирлә.